

**6.**

Na osnovu člana 13.stav 2.alineja 4. Zakona o principima lokalne samouprave u FBiH ( «Službene novine FBiH» broj: 49/06), i člana 24. Statuta Općine Gradačac ( «Sl. glasnik Općine Gradačac», broj: 4/08 ), Općinsko vijeće Gradačac, na sjednici održanoj dana 07. 07. 2010. godine, donosi

**O D L U K U**  
**o komunalnim taksama**

**I - OPĆE ODREDBE****Član 1.**

Ovom Odlukom propisuju se komunalne takse, utvrđuje njihova visina i određuje način plaćanja na području Općine Gradačac (u daljnjem tekstu Općina).

**Član 2.**

Takseni obveznik je fizičko ili pravno lice kao i građanin koji koristi predmet ili usluge za čije korištenje je propisano plaćanje takse.

Taksena obaveza nastaje u trenutku kad se počne koristiti predmet ili usluga za čije korištenje je propisano plaćanje komunalne takse.

**Član 3.**

Takse se plaćaju za:

1. Svaku istaknutu firmu,
2. Držanje žive muzike u ugostiteljskim objektima,
3. Za držanje zabavnih igara i igara na sreću,
4. Postavljanje reklamnih panoa na javnim i drugim površinama,
5. Isticanje objava, oglasa i saopštavanje na posebno određenim i uređenim javnim površinama,
6. Izgradnju građevinskih objekata.

**Član 4.**

Visina takse po predmetima i uslugama za čije korištenje se plaća taksa utvrđuje se Tarifom komunalnih taksa ( u daljnjem tekstu: tarifa ).

**Član 5.**

Komunalne takse iz člana 3. tačka 1, 2, i 3. razrezuje i naplaćuje Poreska uprava, a ostale komunalne takse nadležan općinski organ. Plaćanje komunalnih taksi iz člana 3. tačka 4,5 i 6 vrši se u gotovini na blagajni Općine ili na račun budžeta i čine prihod budžeta Općine. Poreska uprava je obavezna da svako 90 dana dostavlja spisak obveznika koji nisu izvršili uplatu taksa.

**Član 6.**

Pravna i fizička lica koja obavljaju djelatnost na osnovu odobrenja nadležnog organa dužna su na vidnom mjestu poslovnog prostora gdje obavljaju djelatnost istaknuti naziv firme.

Pod nazivom firme podrazumijeva se naziv firme pod kojim je takseni obveznik registrovan kod nadležnog organa, sjedište lica, kao i broj, odnosno naziv poslovne jedinice kada se firma ističe na poslovnoj jedinici.

Firma se ističe početkom obavljanja djelatnosti.

**II - OSLOBAĐANJE OD PLAĆANJA TAKSE****Član 7.**

Od plaćanja takse oslobađaju se:

1. Država Bosna i Hercegovina,
2. Federacija Bosne i Hercegovine, Tuzlanski kanton, općine sa područja Tuzlanskog kantona i njihovi organi,
3. Narodna banka Bosne i Hercegovine,
4. Javne ustanove iz oblasti predškolskog obrazovanja, prosvjete, nauke, kulture, kulture i prirodne baštine, sporta, zdravstva, veterinarstva, socijalne zaštite, humanitarne i dobrotvorne organizacije, i dr. u skladu sa kantonalnim zakonom,
5. Mjesne zajednice, Vjerske zajednice,
6. Invalidi sa tjelesnim oštećenjem čije je svojstvo utvrdio nadležni organ u procentu najmanje 20%, te članovi porodica šehida i poginulih boraca i
7. Dobitnici najviših ratnih priznanja «Zlatni ljiljan» i «Zlatna policijska značka».
8. Obveznici iz člana 3.tačka 1. ( tarifni broj 1.) za prvu godinu poslovanja, odnosno za godinu u kojoj su otpočeli sa obavljanjem djelatnosti po pravosnažnosti rješenja nadležnog organa.

**Član 8.**

Zahtjev za oslobađanje od plaćanja taksi podnosi se Poreskoj upravi ili nadležnom organu koji vrši razrez.

**III - NAČIN PRIJAVE I NAPLATE TAKSE****Član 9.**

Obveznik takse dužan je Poreznoj upravi podnijeti prijavu za razrez takse.

Prijava iz prethodnog stava sadrži sljedeće podatke: naziv firme, sjedište i prebivalište obveznika, broj računa obveznika kod banke, mjesto, broj istaknutih firmi, identifikacioni broj poreskog obveznika, jedinstveni matični broj i šifru djelatnosti.

**Član 10.**

Prijava za razrez takse iz člana 3. tačka 1. podnosi se do 28. februara tekuće godine prema ostvarenom godišnjem prometu iz predhodne godine.

Promjene nastale poslije 1. januara tekuće godine, odnosno u toku godine, obveznik je dužan prijaviti Poreznoj upravi najkasnije narednog dana od dana nastanka promjena.

Taksenim obveznicima koji ne podnese prijavu u skladu sa stavom 1. i 2. ovog člana ili daju netačne podatke, razrez takse izvršiće se po taksenoj tarifi uvećanoj za 50%.

**Član 11.**

Za neblagovremeno plaćanje takse propisane ovom Odlukom plaća se zatezna kamata po stopi utvrđenoj prema propisima F BiH za neblagovremeno plaćanje javnih prihoda.

**Član 12.**

Obveznik takse koji organizuje živu muziku, dužan je najkasnije sedam dana prije početka organizovanja žive muzike prijaviti Poreznoj upravi organizovanje žive muzike, kao i dan završetka organizovanja žive muzike.

**Član 13.**

Obveznik takse iz člana 2. stav 1. ove Odluke plaća taksu u godišnjem iznosu unaprijed za predstojeću godinu u roku od 15 dana od dana donošenja rješenja Porezne uprave.

Na rješenje Porezne uprave takseni obveznik može uložiti žalbu nadležnom organu u roku od 15 dana od dana prijema rješenja.

Žalba na rješenje o razrješenju takse ne odlaže izvršenje rješenja.

Taksa iz člana 3. tačka 3, 4, 5. i 6. ove Odluke plaća se kod nadležnog organa unaprijed, prije izdavanja rješenja.

**Član 14.**

Ako takseni obveznik u propisanom roku ne uplati taksu Poreska uprava će izdati nalog banci kod kojeg takseni obveznik drži novčana sredstva za prinudnu naplatu i za prijenos duga komunalne takse i pripadajuće kamate sa računa taksenog obveznika na račun korisnika takse.

**Član 15.**

Ukoliko se na način iz prethodnog člana ne može podmiriti taksena obaveza u 60 dana od dana izdavanja naloga za prijenos sredstava banci, nadležna Porezna uprava donijet će rješenje o prinudnoj naplati takse, kamata i troškova postupka taksenog obveznika.

**Član 16.**

Pravo na naplatu takse, kamata, troškova prinudne naplate zastarijeva za dvije godine po isteku godine u kojoj je obaveza takse utvrđena od strane nadležnog organa.

Pravo zastare prekida se svakom radnjom nadležnog organa za naplatu poslije koje radnje počinje teći novi rok zastare.

**IV - POVRAT TAKSE****Član 17.**

Obveznik od kojeg je taksa ili kamata naplaćena, a koju nije bio dužan platiti, ili je pogrešno obračunata, ima pravo na povrat sredstava.

Zahtjev za povrat sredstava se podnosi Poreznoj upravi koja je nadležna za utvrđivanje takse, odnosno nadležnoj općinskoj službi.

Porezna uprava, odnosno nadležna općinska služba, je dužna da u roku od 30 dana odluči o zahtjevu.

**Član 18.**

O dijelu razreza taksi, naplate, zastare, povrata i ostalih poslova vezanih za komunalne takse u kome to nije posebno regulisano ovom Odlukom primjenjivat će se odredbe Zakona o poreznoj upravi F BiH i zakona o upravnom postupku.

**V - NADZOR****Član 19.**

Nadzor nad obračunavanjem i plaćanjem taksi vrši Poreska uprava Ispostava Gradačac, te općinske službe svaka iz svoje nadležnosti.

**VI - PRELAZNE I ZAVRŠNE ODREDBE****Član 20.**

Danom stupanja na snagu ove Odluke prestaje da važi Odluka o komunalnim taksama broj: 01-05- 421/09 od 29.12.2009. godine («Sl.glasnik Općine Gradačac» broj 9/2009).

**Član 21.**

Za spise i radnje za koje je taksena obaveza nastala do stupanja na snagu ove Odluke, odnosno njezine primjene, naplatit će se taksa koja je bila propisana u trenutku nastajanja taksene obaveze.

**Član 22.**

Ova Odluka stupa na snagu danom objavljivanja u «Službenom glasniku Općine Gradačac», a primjenjivat će se od 01.01.2010. godine.

**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA GRADAČAC  
- Općinsko vijeće -**

**Broj:01-05-251/10  
Datum:07.07.2010.god.  
G r a d a č a c**

**PREDSJEDAVAJUĆI  
OPĆINSKOG VIJEĆA  
dipl.el.ing. Adem Hanić**

**TARIFA**  
**komunalnih taksi koje se plaćaju na području Općine Gradačac**

**Tarifni broj 1.**

Za svaku istaknutu firmu, oznaku, obilježje ili natpis na poslovnim i drugim prostorijama, objektima i slično, kojim se označava da određena pravna ili fizička osoba obavlja registrovanu djelatnost ili zanimanje, plaća se godišnja taksa koja se obračunava na sljedeći način :

<b>R.br.</b>	<b>Promet ostvaren u predhodnoj godini</b>	<b>Iznos takse u KM</b>
1.	0 – 5000,00 KM	100,00 KM
2.	5.001,00 – 10.000,00 KM	120,00 KM
3.	10.001,00 – 50.000,00 KM	150,00 KM
4.	50.001,00 – 100.000,00 KM	200,00 KM
5.	100.001,00 – 500.000,00 KM	350,00 KM
6.	500.001,00 – 1.000.000,00 KM	500,00 KM
7.	1.000.001,00 – 10.000.000,00 KM	700,00 KM
8.	10.000.001,00 – 50.000.000,00 KM	1.000,00 KM
9.	50.000.000,00 KM i više	1.200,00 KM

Konačan iznos komunalne takse na godišnjem nivou utvrđuje se kada se iznos takse u KM ostvaren prema godišnjem prometu množi sa dole utvrđenim koeficijentom shodno djelatnosti koju obveznik obavlja :

1.	Prehrambena proizvodnja – sve djelatnosti	0,80
2.	Neprehrambena proizvodnja – sve djelatnosti	1,00
3.	Trgovina na veliko, Tržni centri koji se bave maloprodajom, marketi supermarketi i sl.	6,00
4.	Klasične prodavnice, kiosci, Trgovačke radnje i trgovina na pijacama i tržnicama	1,00
5.	Trgovina naftom i naftnim derivatima – benzinske pumpe	3,5
6.	Apoteke – trgovina lijekovima	6,00
7.	Auto kuće i auto saloni	6,00
8.	Izvođenje građevinskih radova, niskogradnja, visokogradnja, izrada građ. elemenata ( osim obrta ) , Projektovanje, nadzor, inženjering i sl.	1,50
9.	Prevoz putnika i robe, taxi , Turističke agencije.	1,00
10.	Sportske kladionice, tombola, loto, bingo, kockarnice, sve ostale igre na sreću i sl.	7,00
11.	Banke ( sjedište, filijale, ekspoziture, poslovnice i sl. )	6,00
12.	Pošta, telekomunikacije ( sjedište, filijale, ispostave i sl.)	6,00
13.	Mikrokreditne organizacije ( sjedište, filijala, ekspozitura, ispostava poslovna jedinica i sl. )	7,00
14.	Elektro distribucija ( sjedište, podružnice, poslovne jedinice i sl.)	6,00
15.	Skladišta i otpadi	3,00
16.	Advokati	2,00
17.	Notari	3,00
18.	Knjigovodstvene agencije, agencije za pružanje pravne pomoći, Agencije za promet nekretnina i dr.	1,00

19.	Privatna zdravstvena zaštita	1,00
20.	Sve vrste obrta (samostalne zanatske radnje bez obzira na djelatnost)	1,00
21.	Ugostiteljstvo: Hoteli, moteli, pansioni, prenoćišta, restorani, bifei, picerija, fast food, i ostali tip.	1,00
22.	Sve ostale nepomenute uslužne i zabavne djelatnosti	1,00
23.	Sve ostale nepomenute djelatnosti	1,00

**NAPOMENA:**

1. Podružnice, poslovne jedinice, expoziture, filijale, i dr. oblici pravnih subjekata čije sjedište nije na području općine Gradačac, plaćaju komunalnu taksu pod istim uslovima kao i pravni subjekti čije je sjedište u Gradačcu, stim što se promet ostvaren u prošloj godini, utvrđuje za tu podružnicu, poslovnu jedinicu, expozituru, filijalu, i sl.

2. Taksa za djelatnosti iz tačke 20. umanjite će se za 70 % za djelatnosti- obrte koji se smatraju tradicionalnim i starim obrtima, shodno odredbama Uredbe o zaštiti tradicionalnih i starih obrta.

**Tarifni broj 2.**

Za držanje muzike uživo u ugostiteljskim objektima mjesečno ..... 400,00 KM.  
Za držanje muzike uživo u ugostiteljskim objektima tokom vikenda ..... 100,00 KM.  
Za držanje muzike uživo u ugostiteljskim objektima tokom praznika ..... 250,00 KM.

**Tarifni broj 3.**

Za držanje sredstava za zabavne igre i držanje uređaja za igre na sreću koje donose novac, plaća se godišnje po jednom komadu, odnosno predmetu ili uređaju kako slijedi:

1. Na bilijar stolove, flipere, automate, pikado, pley station i druga sredstva za igru gdje je dobitak isključivo u određenom broju igara ..... 200,00 KM

2. Na uređaje od igara na sreću koje donose novac ..... 500,00 KM

Napomena: Pod uređajima za igre na sreću koje donose novac podrazumijevaju se elektronski ili mehanički uređaji ili drugi uređaji koji tokom igre omogućavaju igraču dobitak u novcu ili žetonima koji su naplativi u novcu.

**Tarifni broj 4.**

Za slobodno stojeću istaknutu firmu ili reklamu na javnim, putnim i zelenim površinama plaća se komunalna taksa kako slijedi:

1. U zoni I i u putnom pojasu Gradačac Ormanica, Gradačac-Modriča i Gradačac-Pelagićevo, Kerep-Zelinja, plaća se komunalna taksa za 1 m<sup>2</sup> zauzete površine u iznosu od ..... 200,00 KM

2. U ostalim zonama i van utvrđenih zona na području općine Gradačac plaća se komunalna

taksa godišnje za 1 m<sup>2</sup> zauzete površine ..... 100,00 KM

Napomena:

a) Za isticanje firmi ili reklame potrebno je pribaviti urbanističko-tehničku dokumentaciju,  
B) Pod 1 m<sup>2</sup> zauzete površine, smatra se veličina-površina panoa istaknute firme ili reklame na kojoj se nalazi natpis ( dužina X širina = zauzeta površina ).

**Tarifni broj 5.**

Za isticanje objava, oglasa i saopštenja na posebno uređenim javnim površinama, plaća se mjesečna naknada i to:

- za seriju do 100 kom ..... 30,00 KM

- za seriju preko 100 kom ..... 50,00 KM

**Tarifni broj 6.**

Za izgradnju sljedećih građevinskih objekata plaća se taksa i to:

Za ekonomska dvorišta, otvorena skladišta građevinskog materijala, auto-otpad, otvorene platoe, auto -praone, parkirališta, sajmišta, otvorene pijace i sl. plaća se komunalna taksa u iznosu od 0,50 KM po m<sup>2</sup>,

Za postavljanje ograda plaća se komunalna taksa u iznosu od 0,50 KM po metru dužnom,

Za postavljanje instalacija : PTT, elektro, kablovske TV, i sl. plaća se komunalna taksa u iznosu od 1.00 KM po dužnom metru,

Za vjerske objekte, objekte MZ-a i objekte čiji je investitor Općina i njeni organi neće se naplaćivati komunalna taksa.

Naknade iz ovog tarifnog broja propisuju se u urbanističkoj saglasnosti, a obračunavaju se i naplaćuju u postupku izdavanja građevinske dozvole, osom za ograde van ulične strane, kada se naplata vrši u postupku izdavanja urbanističke saglasnosti.

Zauzimanje javnih površina kojima se reguliše postavljanje ljetnih bašti ispred ugostiteljskih objekata, zauzimanje javnih površina radi izlaganja robe ispred trgovačkih radnji, postavljanje uređaja za prodaju sladoleda, kokica dr. obračun naknada će se vršiti shodno odredbama Općinske odluke o zauzimanju javnih površina.

Tarifa komunalnih taksi koje se plaćaju na području općine Gradačac, završava se sa Tarifom broj 6.